

А Ж Р И М

(ярашганлик муносабати билан жиноят ишини тугатиш тўғрисида)

2023 йил сентябрь ойининг 5 куни, Тошкент шаҳар жиноят ишлари бўйича Шайхонтоҳур туман суди, биносида, очик сайёр суд мажлисида, раислик қилувчи судья А.Абдулхаев, судья ёрдамчиси Б.Абдуллаевнинг котиблигида, тарафлардан давлат айбловчиси Шайхонтоҳур туман прокурорининг прокурор ўринбосари М.Шукуруллаева, судланувчи М.Шожамалова, унинг ҳуқуқ ва манфаатларини ҳимоя қилган ҳимоячиси “TURON LOWYERS” адвокатлар фирмаси адвокати К.Режеповлар, жабрланувчи Д.Аликуловаларнинг иштирокида, Ўзбекистон Республикаси ЖК 277-моддасининг 1-қисми билан айбланган

10.04.1990 йилда Тошкент вилоятида туғилган, миллати қozoқ, Ўзбекистон Республикаси фуқароси, маълумоти ўрта, оилали, 4 нафар фарзанди бор, вақтинча ишсиз, муқаддам, жиноят ишлари бўйича Юқоричирчиқ туман судининг 11.01.2022 йилдаги ҳукмига кўра, Ўзбекистон Республикаси ЖК 109-моддасининг 2-қисми билан 1 йил муддатга озодликни чеклаш жазоси тайинланган, Юқоричирчиқ тумани ИИО ФМБнинг 13.07.2023 йилдаги маълумотномасига асосан 02.02.2023 йилда жазони тўлиқ ўтаб озод бўлган, Тошкент вилояти, Юқоричирчиқ тумани, Усмонобод маҳалласи, 17-уйда истиқомат қилувчи, иш бўйича муносиб ҳулқ-атворда бўлиш тўғрисидаги тилхат эҳтиёт чораси қўлланган, айблов далолатномаси нусхасини 28.07.2023 йилда олган, **Шожамалова Матлуба Калдаровна (Shojamalova Matluba Kaldarovna)**га

нисбатан 1-1003-2204/624-сонли жиноят ишини кўриб чиқиб, суд тарафларнинг кўрсатувларини, ишда қатнашаётган прокурор фикрини эшитиб, жиноят иш ҳужжатларини атрофлича текшириб чиқиб, қуйидагиларни

а н и қ л а д и:

Дастлабки тергов ҳужжатларига кўра, судланувчи М.Шожамалова, жамиятда юриш-туриш қоидаларини қасдан менсимасдан, уриш-дўппослаш мақсадида 2023 йил 23 апрель куни, соат 12:00ларда, уриш-дўппослаш ва баданга шикаст етказиш мақсадида, Шайхонтоҳур туманида жойлашган “Чор-Су” деҳқон бозорида жабрланувчи Аликулова Дилноза Рузимуратовна билан ҳеч бир сабабсиз уришиб, М.Шожамалова жанжал давомида қўллари билан Д.Аликулованинг юз соҳасига бир неча мартаба уриб-дўппослаб тан жароҳати етказган.



Ўтказилган суд-тиббиёт экспертизасининг 28.04.2023 йилдаги №2614-Хуж-Кур-сонли хулосасига кўра, 1983 йилда туғилган Аликулова Дилноза Рўзимаротовнанинг танасида “ўнг кўз юқори қовоқ, иккала билак соҳалари шилинмалари ва юмшоқ тўқималари лат ейиши” каби тан жароҳатлари борлиги, ушбу тан жароҳатлар оғирлик даражаси бўйича ЕНГИЛ тан жароҳатлари тоифасига кириши аниқланган

Суд муҳокамасида судланувчи М.Шожамалова ва жабрланувчи Д.Аликуловалар ариза билан муурожаат қилиб, жиноят ишини ярашганликлари муносабати билан тугатишни сўрашган.

Судланувчи М.Шожамаловага нисбатан Ўзбекистон Республикаси ЖК 277-моддасининг 1-қисми билан айб эълон қилинган ва жиноят иши айблов далолатномаси билан судга тақдим этилган.

Судланувчи М.Шожамалова суд мажлисида ярашув тўғрисидаги аризасини қувватлаб, айбига ўз ихтиёри билан тўлиқ иқрор эканлиги, қилмишидан пушаймонлиги, содир этган қилмишининг оқибатларини англаганлиги, жабрланувчига етказилган зарарни тўлиқ қоплаганлиги, ҳозирда жабрланувчи ва унинг қонуний вакили Д.Аликулова билан бирон-бир тазйиксиз ярашиб олганлиги ҳақида кўрсатув бериб, жиноят ишини тугатишни сўради.

Жабрланувчи Д.Аликулова суд мажлисида ярашув тўғрисидаги аризасини қувватлаб, М.Шожамаловага нисбатан ҳеч қандай даъвоси йўқлиги, етказилган зарар тўлиқ қопланганлиги, аризани ўз хоҳиши билан ёзганлиги, унга бирон-бир тазйик бўлмаганлиги, ярашув суд тарафидан тасдиқлангандан кейин келиб чиқадиган ҳуқуқий оқибатларни тушунганлиги ҳақида кўрсатув бериб, жиноят ишини тугатишни сўради.

Ўзбекистон Республикаси ЖКнинг 66¹-моддасига мувофиқ ЖК 277-моддасининг 1-қисмида назарда тутилган жиноятни содир этган шахс, агар у ўз айбига иқрор бўлса, жабрланувчи билан ярашса ва етказилган зарарни бартараф этса, ярашганлиги муносабати билан жиноий жавобгарликдан озод этилиши мумкин.

Суд, жабрланувчи Д.Аликулова ҳамда судланувчи М.Шожамалованинг ярашув тўғрисидаги аризаларини жиноят иши ҳужжатлари билан ўрганиб, Шайхонтоҳур туман прокурори ёрдамчисининг ҳамда ҳимоячининг жиноят ишини ярашганлик муносабати билан тугатиш ҳақидаги фикрини эшитиб, судланувчи М.Шожамаловани айбига ихтиёрий иқрорлиги ва етказилган зарарнинг тўлиқ қопланганлиги, жабрланувчи Д.Аликулова ва судланувчи М.Шожамаловага бирон-бир тазйик бўлмаганлиги, ярашув тарафларнинг хоҳишлари билан бўлаётганлиги ҳамда Ўзбекистон Республикаси ЖК 277-моддасининг 1-қисмида назарда тутилган жиноят ЖКнинг 66¹-моддасига мувофиқ ярашувга тушишини инobatга олиб, М.Шожамаловага нисбатан юритилган жиноят ишини ярашганлик муносабати билан тугатишни лозим топади.

Шу билан бирга, суд жабрланувчи Д.Аликуловага Ўзбекистон Республикаси ЖК 583-моддасининг 5-қисмига асосан ушбу ярашув суд



тарафидан тасдиқланганидан сўнг у мазкур иш бўйича иш юритишни қайта тиклаш тўғрисида илтимоснома бериш ҳуқуқни йўқотишини тушунтиришни лозим топади.

Ўзбекистон Республикаси ЖПК 84-моддасининг 4-қисми, 423, 497¹¹, 585-586-моддаларига амал қилиб, суд

а ж р и м қ и л а д и,

Ўзбекистон Республикаси ЖК 277-моддасининг 1-қисми билан судланувчи **Шојамалова Матлуба Калдаровна (Shojamalova Matluba Kaldarovna)**га нисбатан жиноят иши Ўзбекистон Республикаси ЖКнинг ЖКнинг 66¹-моддасига асосан тарафларнинг ярашганлиги муносабати билан Ўзбекистон Республикаси ЖПКнинг 84-моддасининг 4-қисми тартибида тугатилсин.

М.Шојамаловага қўлланган эҳтиёт чораси бекор қилинсин.

Жабрланувчи Д.Аликуловага етказилган зарар қопланганлиги инобатга олинсин.

Ашёвий далил тариқасида олинган “DVD” диск айбловни тасдиқловчи далил сифатида жиноят иши ҳужжатларида сақлаш учун қолдирилсин.

Жабрланувчи Д.Аликуловага Ўзбекистон Республикаси ЖПКнинг 583-моддаси 5-қисмига асосан мазкур иш бўйича иш юритишни қайта тиклаш юзасидан илтимоснома бериш ҳуқуқи йўқотилиши тушунтирилсин.

Биринчи инстанция судининг ажрими устидан у чиқарилган кундан эътиборан йигирма кунлик муддатда ЖПКнинг 497²-моддасида назарда тутилган шахслар томонидан хусусий шикоят ёки хусусий протест берилиши мумкин.

Раислик қилувчи судья:

